

Koj Tus Yaum Sij Rau EVV

Kev Qhib Electronic Visit Verification (Kev Txheeb Npe Hauv Tshuab Hluav Taws Thaum Sib Ntsib) hauv Wisconsin
(Your Key to: Unlocking Electronic Visit Verification in Wisconsin)



Tsav Xov Xwm 11 | Cuaj Hli Ntuj 2021



Nws yuav siv tag nrho pab neeg—cov koom haum muab kev pab, cov neeg zov tu, cov neeg them nqi, cov tswv cuab, cov neeg koom kev pab, thiab Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS)—thiaj muaj kev vam meej nrog EVV. Hauv tsab ntawv xov xwm no, peb sau ua ke cov dab neeg vam meej thiab cov kev coj uas koj siv los ua kom EVV ua hauj lwm rau koj. Nram no yog nthuav txog cov zoo los ntawm qee cov koom haum muab kev pab uas tau siv EVV ua ib feem ntawm lawv qhov txheeb txheem txhua hnuv, nyob kiag rau hauv Wisconsin.

Cov Neeg Tuav Hauj Lwm Lis Ntaub Ntawv Hauv Koom Haum Muab Kev Pab: Cob Qhia Pab Neeg

EVV cov neeg tuav hauj lwm lis ntaub ntawv zoo li cov kws cob qhia—lawv npaj cov tswv yim rau pab neeg mus qhov twg thiab mus li cas thiaj txog.

DHS tau sib tham nrog cov koom haum muab kev pab thooob plaws hauv lub xeev uas tau pib siv EVV ntxov. Peb xav paub tias cov tswv yim twg thiaj pab tau lawv vam meej. Cov koom haum muab kev pab no txhawb zog rau lawv cov neeg ua hauj lwm los ntawm txoj kev pab kom lawv nkag siab txog tsoom fww txoj kev cai txwv siv EVV, cov ncauj lus lawv yuav tau muaj los teev tseg txog cov kev sib ntsib, thiab cov tshuab sib txawv uas lawv siv tau.

Lesley Strong-Belcher, tus tswv thiab tsim muaj lub koom haum Strong HomeCare & Companions (Kev tu Zoo Hauv Tsev & Cov Pooj Ywg), nthuav qhia nws txoj kev tau teeb tsa cov kev xav tau rau EVV:

“EVV yog ib feem ntawm peb txoj kab lis kev cai, tsis yog DHS txoj cai txwv xwb. Qhov no yuav muaj hauj lwm thiab siv nyiaj txiag ntxiv, tiam sis tam sim no kuv paub tseeb tias kuv muaj cov neeg ua hauj lwm uas yeej muab kev pab tiag rau cov neeg tau kev pab. EVV yeej pab kom peb vam meej.”

Lwm qhov tswv yim zoo uas peb hnov los ntawm cov chaw muab kev pab muaj xwsli kev pab cov neeg tau kev pab kom nkag siab txog EVV, kev qhia cov neeg ua hauj lwm siv, kev swm siv Sandata EVV Portal (Chaw Muab Kev Pab Saum Huab Cua), thiab npaj qhia rau cov neeg ua hauj lwm uas yuav tau muaj kev pab kom nco txog.

Wisconsin EVV Chaw Pab Neeg Qhua

833-931-2035 | vdx.contactevv@wisconsin.gov

Monday (Zwj Hli)-Friday (Zwj Kuab) |
7 teev sawv ntxov–6 teev tsaus ntuj CT

<https://www.dhs.wisconsin.gov/evv/index.htm>

Tsab ntawv xov xwm no yuav qhia cov ncauj lus txog EVV hauv Wisconsin. Xya Hli Ntuj 2021 Ncauj Lus Tshiab ntawm ForwardHealth (2021-23), tis npe “[Electronic Visit Verification Policy and Hard Launch Timeline \(Txoj Cai Siv Kev Txheeb Npe Hauv Tshuab Hluav Taws Thaum Sib Ntsib thiab Caij Nyooq Qhib Meej\)](#),” thiab Yim Hli Ntuj 2021 Ncauj Lus Tshiab ntawm ForwardHealth (2021-26), tis npe “[Electronic Visit Verification Hard Launch Preparation \(Kev Npaj Qhib Meej Kev Txheeb Npe Hauv Tshuab Hluav Taws Thaum Sib Ntsib\)](#),” muaj cov kev coj uas tau kev pom zoo.

Qhia Siv

- Teeb cov hom phiaj thiab cov kev xav tau rau lub koom haum, nrog rau kev siv EVV 100 feem pua hauv cov kev sib ntsib uas txwv kom siv.
- Tsi ntseeg txog kev qhia neeg ua hauj lwm siv thiab muab cov ncauj lus rau cov neeg ua hauj lwm uas yog kias rau lawv cov luag hauj lwm thiab cov tes dej num txhua hnuv.
- Siv cov ntawv ceeb toom mus txheeb seb cov neeg ua hauj lwm ua tau qhov twg vam meej thiab lawv yuav tau muaj kev pab rau qhov twg.
- Ntsuas seb cov neeg ua hauj lwm yuav tau txiaj ntsim los ntawm kev qhia ib pab pawg los sis ib leeg qhia ib tug siv.
- Muab cov viv dis aus, cov ntawv yais tawm thiab cov PowerPoints ntawm DHS los txhawb qhia kev siv EVV ntxiv.
- Cwj rau hauv siab tias kev qhia neeg ua hauj lwm siv EVV yog ib txoj kev yuav muaj mus tas li uas yuav siv sij hawm. Nws yuav siv lub kawg li peb lub lim tiam rau tus neeg ua hauj lwm siv EVV tas li thiaj li yuav swm kev siv.

“ Kuv cov neeg ua hauj lwm yeej paub tias EVV yog txoj kev yuav tsum tau siv. Yeej yog txoj kev thaum pib kiag. Yeej saib tam li yog qhib meej tas li lawm. Jamey Tuttle, Director of Services (Thawj Coj Cov Kev Pab), Serenity Care Agency, LLC ”

Soj Xyuas Cov Kev Sib Ntsib ntawm EVV

- Muab cov sij hawm txheeb npe tuaj thiab txheeb npe tawm los sib piv nrog lwm cov ntawv teev zeeg hauj lwm kom ntes tau cov kev tsis xwm yeem thaum tseem ntxov.
- Ib sij txheeb xyuas cov ntaub ntawv teev kev sib ntsib hauv Sandata EVV Portal (Chaw Muab Kev Pab Saum Huab Cua) kom paub zoo cov kev xav tau, cov yuam kev thiab cov ntaub ntawv uas tsis muaj txhij.
- Saib ti cov tshuab thiab cov teeb meem kev sib ntsib thiab mus cuag EVV Chaw Pab Neeg Qhua (txog cov lus nug txuam rau txoj kev pab los sis yog tias siv Sandata EVV) los sis lwm lub lag luam EVV txog tej lus nug uas muaj.
- Xyuas cov kho ntxiv tshiab rau cov cuab yeej hauv tshuab ntawm Sandata los sis lwm lub lag luam EVV. Cov kev kho ntxiv tshiab rau tej tshuab yuav pab cov koom haum muab kev pab xyeej tau cov kev daig ntawm tshuab.
- Txib ib tug neeg ua hauj lwm tuav dej num lis EVV, thiab muab neeg ua hauj lwm pab ntxiv yog tsim nyog.

“ Cov koom haum muab kev pab yuav tsum tau pab txhawb lawv cov neeg zov tu thiab txoj kev taug qab xwm yeem yog kev tseem ceeb rau kev vam meej. Linda Bova, COO, Helping Hands Caregivers, LLC ”

Cob Qhia Cov Neeg Ua Hauj Lwm

- Siv DHS daim cov qauv [yuaj rau EVV Neeg Ua Hauj Lwm](#) thiab hais kom cov neeg ua hauj lwm nqa nrog lawv mus rau lawv cov kev sib ntsib.
- Nquag muaj kev sib cuag nrog cov neeg ua hauj lwm kom tswj tau tej teeb meem uas tshwm sim muaj. Qhia txog cov teeb meem uas pheej muaj tshwm sim tas zog hauv cov rooj sib tham.
- Pab nrhiav cov ncauj lus uas yuav pab kom lawv vam meej.
- Teeb cov hom phiaj, ras paub txog cov ua tau zoo thiab muab kev txhawb kom kawm tas zog mus.

“ Kuv muaj cov caij txheeb nrog cov neeg ua hauj lwm uas peb tham txog cov ncauj lus tshiab thiab teeb cov hom phiaj rau sab hauv. Peb soj xyuas cov kev sib ntsib uas peb muaj, pes tsawg cov kev sib ntsib yeej yog thiab peb xav kom peb qib coj raws cai nyob rau qhov twg. Melissa Fredricks, Operations Support Manager (Thawj Tswj Cov Kev Txhawb Hauj Lwm), Homes for Independent Living (Cov Tsev Rau Kev Nyob Ywj Pheej) ”

Hauv Lub Tiaj: Cov Neeg Ua Hauj Lwm Yog Cov Pab Neeg Ua Ke!

Tus kws cob yuav tsis muaj nuj nqis yog tsis muaj ib pab neeg rau nws coj, thiab cov neeg ua hauj lwm yog pab neeg ntawd. Cov koom haum muab kev pab uas peb tau sib tham nrog tau qhia qee cov tswv yim uas tau pab lawv cov neeg zov tu siv tus yeas EVV ua ib feem hauv txoj kev sib ntsib txhua hnuv. Thawj lub tswv yim lawv muaj rau cov neeg ua hauj lwm yog:

- Pib kawm siv koj qhov EVV sai npaum li sai tau.
- Ua siab ntev. EVV yeej tshiab thiab feem ntau yuav siv sij hawm los kawm tej yam tshiab.
- Teeb tim thiab muaj tus kuj pwm siv EVV txheeb npe tuaj thiab txheeb npe tawm tas li.
- Siv lo lus txuas nkag ib ntus ua ntej nws tas sij hawm siv tau kom xyeej tau txoj kev raug xauv tawm ntawm lub tshuab.
- Teev rau hauv ntawv kom nco faj seeb qhia thaum twg koj cov lo lus txuas nkag tas sij hawm siv tau.
- Xyuas tus [neeg ua hauj lwm cov viv dis aus](#) ntawm qhov vas sab kev qhia siv.
- Thov kev pab los ntawm koj lub koom haum muab kev pab yog tias koj daig los sis muaj lus nug.

Lub cim txawv!

Koj yuav pom lub cim tshiab ntawm Sandata Mobile Connect (Sandata Kev Txuas Hauv Xov Tooj Ntawm Tes) qhov app.




Lub Qub Lub Tshiab